



5 январь 2009 йил

№ 1

Тошкент ш. –г.Ташкент

ОИТСга карши кураш марказларининг ташкилий тузилмасини ва фаолиятини такомиллаштириш чора-тадбирлари тугрисида

Узбекистон Республикаси Президентининг «Узбекистон Республикасида ОИВ инфекцияси таркалишига карши кураш самарадорлигини оширишга доир кушимча чора-тадбирлар тугрисида» 2008 йил 26 декабрдаги ПК-1023-сон карорини бажариш юзасидан Вазирлар Махкамаси карор килади:

1.Куйидагилар:

Республика ОИТСга карши кураш маркази тузилмаси ва минтакавий марказларнинг намунавий тузилмаси 1 ва 2 иловаларга мувофик;

ОИТСга карши кураш марказлари тугрисидаги Низом 3-иловага мувофик;

2009-2011 йилларда Узбекистон Республикасида ОИВ инфекцияси таркалиши профилактикаси буйича саъй-харакатлар миллий режаси 4-иловага мувофик тасдиклансин.

2.Коракалпогистон Республикаси Вазирлар Кенгаши, вилоятлар ва Тошкент шаҳар хокимликлари, вазирликлар ва идоралар 2009-2011 йилларда Узбекистон Республикасида ОИВ инфекцияси таркалиши профилактикаси буйича саъй-харакатлар миллий режасини бажариш учун кабул килсинлар ва унинг уз вақтида бажарилишини таъминласинлар.

Белгилансинки, вазирликлар, идоралар ва бошка ташкилотлар хар чоракда ОИВ инфекцияси таркалишига карши кураш тадбирларини мувофиклаштириш Республика комиссияси мажлисига 2009-2011 йилларда Узбекистон Республикасида ОИВ инфекцияси таркалиши профилактикаси буйича саъй-харакатлар миллий режасига киритилган тадбирларнинг бажарилиши тугрисида хисоботлар такдим этадилар.

3. Узбекистон Республикаси Согликни саклаш вазирлиги манфаатдор вазирликлар ва идоралар, шунингдек Коракалпогистон Республикаси Вазирлар Кенгаши, вилоятлар ва Тошкент шаҳар хокимликлари билан биргаликда:

2009-2010 йиллар мобайнида бюджет маблағлари ва бюджетдан ташкари маблағлар, халқаро ташкилотларнинг грантлари ва қарзларини жалб этиш хисобига ОИТСга карши кураш Республика маркази ва минтакавий

марказларининг замонавий даволаш-диагностика асбоб-ускуналари билан кушимча равишда жихозланишини ва таъмирлаш реконструкция килиш ишлари амалга оширилишини;

ОИТСга карши кураш марказларининг тайёрланган ва юкори малакали мутахассислар билан бутланишини;

ОИВ инфекциясига карши кураш сохасида фаолият олиб бораётгаи тиббиёт ходимлари ва бошка мутахассисларнинг малакаси доимий ва мунтазам равишда оширилишини назарда тутадиган тизим яратилишини таъминласин.

4. Узбекистон Республикаси Согликни саклаш вазирлиги:

ОИТСга карши кураш марказлари фаолияти мувофиклаштирилишини, шунингдек улар томонидан диагностика ва даволашнинг ягона стандартларига риоя этиш назорат килинишини, даволаш-профилактика муассасалари амалиётига илгор халкаро тажриба хисобга олинган холда замонавий тиббиёт технологиялари жорий этилишини;

ОИВ инфекцияси профилактикаси, даволаш, беморларга караш масалаларини интеграциялашнинг согликни саклаш амалиётига, барча даволаш-профилактика муассасалари фаолиятига жорий этилишини таъминласин;

чет эл тажрибасини ва ахоли саломатлиги сакланишини хисобга олган холда ОИВ инфекциясини диагностика килиш ва даволашнинг Узбекистонда кулланаётган методлари самарадорлигини бахолаш буйича тадкикотларни амалга оширсин.

5. Узбекистон Республикаси Хукуматининг 5-иловага мувофик айрим карорлари уз кучини йукотган деб хисоблансин.

6. Узбекистон Республикаси Согликни саклаш вазирлиги, Адлия вазирлиги ва бошка манфаатдор вазирликлар ва идоралар билан биргаликда бир ой муддатда конун хужжатларига ушбу карордаи келиб чикадиган узгартириш ва кушимчалар тугрисида Вазирлар Махкамасига таклифлар киритсин.

7. Мазкур карорнинг бажарилишини назорат килиш Узбекистон Республикаси бош вазирининг уринбосари Р.С.Косимов зиммасига юклансин.

Узбекистон Республикаси
Бош вазири

Ш.Мирзиёев.

Вазирлар Махкамасининг
2009 йил 5 январдаги
1-сон қарорига
1-илова

Республика ОИТСга қарши кураш маркази ТУЗИЛМАСИ



Ходимларнинг умумий сони – 207 киши,
Шу жумладан:
Бошқарув ходимлари – 10 киши;
Тиббиёт ходимлари – 165,25 киши;
Хизмат курсатувчи ходимлар – 31,75 киши.

Вазирлар Махкамасининг
2009 йил 5 январдаги
1-сон қарорига
2-илова

**ОИТСга қарши қураш минтақавий марказларининг маркази
НАМУНАВИЙ ТУЗИЛМАСИ**



Ходимларнинг умумий сони – 956 киши,
Шу жумладан:
Бошқарув ходимлари – 70,5 киши;
Тиббиёт ходимлари – 784,75 киши;
Хизмат курсатувчи ходимлар – 100,75 киши.

Вазирлар Махкамасининг
2009 йил 5 январдаги
1-сон қарорига
3-илова

ОИТСга қарши қураш марказлари туғрисида Низом

I. Умумий қоидалар

1. Ушбу Низом Ўзбекистон Республикаси Соғлиқни сақлаш вазирлигининг Республика ОИТСга қарши қураш маркази, Қорақалпоғистон Республикаси Соғлиқни сақлаш вазирлигининг ОИТСга қарши қураш маркази, вилоятлар ва Тошкент шаҳар соғлиқни сақлаш бошқармаларининг ОИТСга қарши қураш марказлари (кейинги уринларда Марказлар деб аталади) фаолиятини ташкил этиш тартибини белгилайди.

2. Марказлар алоҳида типдаги давлат мустақил ихтисослаштирилган юқумли касалликлар тиббиёт муассасалари ҳисобланади.

Ўзбекистон Республикаси Соғлиқни сақлаш вазирлигининг Республика ОИТСга қарши қураш маркази тиббиёт ходимлари ва бошқа мутахассисларни қайта тайёрлаш ва уларнинг малакасини ошириш учун клиник, укув базаси ҳисобланади.

3. Марказлар уз фаолиятида Ўзбекистон Республикаси қонунларига, Ўзбекистон Республикаси Олий Мажлиси палаталарининг қарорларига ва бошқа ҳужжатларига, Ўзбекистон Республикаси Президентининг фармонлари, қарорлари ва фармойишларига, бошқа қонун ҳужжатларига, ушбу Низомга, шунингдек Ўзбекистон Республикаси Соғлиқни сақлаш вазирлигининг буйруқлари ва фармойишларига амал қилади.

4. Марказлар фаолияти ОИВ инфекциясига чалинган шахслар профилактикаси, диагностикаси, уларни даволаш, психологик ва ижтимоий қўллаб-қувватлашнинг тенгли тамойилига асосланади.

5. Марказлар мустақил балансга, банкларда ҳисоб рақамларига, уз номи ёзилган гербли муҳрга, шунингдек фаолиятини амалга ошириш учун зарур бўлган бошқа белгиларга эга бўлади.

II. Марказларнинг мақсад ва вазифалари.

6. Қуйидагилар Марказларни ташкил этиш ва улар фаолиятининг мақсадлари ҳисобланади.

аҳолига ОИВ/ОИТС диагностикаси, уни даволаш ва унинг профилактикаси буйича ихтисослаштирилган тиббий хизмат курсатиш;

тиббиёт муассасаларига ОИВ инфекцияси профилактикаси, диагностикаси ва уни даволашнинг замонавий усуллари жорий этилишини методик таъминлаш.

7.Куйидагилар Ўзбекистон Республикаси Соғлиқни сақлаш вазирлигининг Республика ОИТСга қарши кураш марказининг асосий вазифалари ҳисобланади:

ОИТСга қарши кураш минтакавий марказлари фаолиятига ташкилий-методик раҳбарликни амалга ошириш;

ОИВ инфекцияси ва қушимча касалликлар тарқалишининг олдини олишга йуналтирилган профилактик, эпидемияга қарши, диагностика, даволаш тадбирларини амалга ошириш;

ОИВ инфекцияси юқиши интенсивлигига таъмир курсатадиган омилларни аниқлаш ва уларнинг фаоллигини баҳолаш буйича махсус эпидемиологик тадқиқотлар утказиш;

ОИВ инфекциясига чалинган шахсларга уларни саломатлигини ва меҳнатга лаёқатини сақлаш учун зарур бўлган диагностика ва тиббий ёрдам курсатишни ташкил этиш ҳамда амалга ошириш, шунингдек ОИВ/ОИТС ва қушимча касалликлар диагностикасини амалга оширувчи муассасаларга тиббий ёрдам курсатиш;

профилактика, диагностика ва даволаш тадбирларига ажратилган маблағлардан мақсадли ва самарали фойдаланишини таъминлаш;

ОИВ/ОИТСни профилактика, диагностика қилиш ва даволашнинг Ўзбекистонда қулланаётган методлари самарадорлигини фуқаролар саломатлиги ва миллат генофондини муҳофаза қилиш нуктаи назаридан таҳлил қилиш ва баҳолаш;

ОИВ/ОИТСни диагностика, профилактика қилиш ва даволашнинг инсон саломатлиги учун хавфсиз методларини қулланиш буйича хорижий мамлакатлар тажрибасини урганиш ва таҳлил қилиш, маълумотларининг тегишли базасини шакллантириш ва юритиш;

ОИВ инфекцияси тарқалишига қарши кураш олиб бориш масалалари буйича тиббиёт ходимлари, бошқа мутахассисларни қайта тайёрлаш ва уларнинг малакасини оширишда қатнашиш.

8.Қорақалпоғистон Республикаси Соғлиқни сақлаш вазирлиги, вилоятлар ва Тошкент шаҳар соғлиқни сақлаш бошқармаларининг ОИТСга қарши кураш марказларининг асосий вазифалари:

ОИТСга қарши кураш маркази фаолият курсатаётган ҳудудда ОИВ инфекцияси ва қушимча касалликлар тарқалишининг олдини олишга йуналтирилган профилактика, эпидемияга қарши, даволаш тадбирлари амалга оширилишини мувофиқлаштириш;

ОИВ инфекциясини лабораторияда диагностика қилишни ташкил этиш ва амалга ошириш, даволаш-диагностика тадбирлари устидан клиник – лаборатория

кузатувини таъминлаш, шунингдек ОИВ инфекцияси ва кушимча касалликлар диагностикасини амалга оширувчи муассасаларга тиббий ёрдам курсатиш;

ОИВ инфекциясига чалинган шахсларга тиббий ёрдам курсатиш, шу жумладан уларни диспансер куригидан утказиш, уларнинг хаёт сифатини яхшилаш учун зарур булган даволаш тадбирларини амалга ошириш;

жорий эпидемиологик вазият мониторингини олиб бориш, ОИВ инфекцияси юкиши интенсивлигига таъсир курсатадиган омилларни аниклаш ва уларнинг фаоллигини баҳолаш буйича махсус эпидемиологик тадқиқотлар утказиш;

профилактик, диагностика ва даволаш тадбирларига ажратилган маблағлардан мақсадли ва самарали фойдаланилишини таъминлаш;

аҳоли уртасида режали тушунтириш ишларини олиб бориш.

III. Марказларнинг ҳуқуқ ва мажбуриятлари.

9. Марказлар белгиланган мақсадларга эришиш ва юкланган вазифаларни бажариш учун конун ҳужжатларида белгиланган тартибда:

уз фаолиятини ушбу Низомда ва бошқа норматив ҳуқуқий ҳужжатларда назарда тутилган вазифалар доирасида режалаштириш ва амалга ошириш;

хужалик фаолиятини амалга ошириш жараёнида яратилган интеллектуал мулк объектларига муаллифлик ҳуқуқларини олиш ва улардан фойдаланиш;

Ўзбекистон Республикасининг конун ҳужжатлари ва халқаро шартномаларига мувофиқ юридик шахслар билан илмий – техник ҳамкорликни амалга ошириш;

уз балансига берилган давлат мулкидан фойдаланиш ва уни тасарруф этиш;

конун ҳужжатларига, Марказларнинг мақсади ва вазифаларига зид булмаган фаолиятнинг бошқа турларини амалга ошириш ҳуқуқига эга.

10. Марказлар:

Профилактик, эпидемияга қарши, диагностика, даволаш тадбирларини ва бошқа тадбирларни ташкил этиш ва амалга оширишга:

Даволаш-профилактика муассасаларида ОИВ инфекциясининг юкишини олдини олиш буйича тадбирлар амалга оширилиши, шунингдек даволаш – профилактика муассасаларида амалга оширилаётган уз вақтида диагностика қилиш ва даволаш тадбирлари сифатли амалга оширилиши юзасидан мониторинг олиб боришга;

ОИВ инфекцияси буйича вазиятнинг ривожланиши тугрисидаги маълумотларнинг ишончлилигини ва давлат органлари, юқори ташкилотлар ва назорат органларининг уз вақтида хабардор қилилишини таъминлашга;

ОИВ инфекцияси таркалишининг психологик, ижтимоий ва бошка окибатларини камайтириш тадбирларини амалга оширишга;

Марказларнинг ходимлари учун конун хужжатларида назарда тутилган меҳнатни ташкил этиш ва меҳнатга ҳақ тулаш шарт-шароитларини, техника хавфсизлигини, ижтимоий таъминотни ва аниқ йуналтирилган ижтимоий ҳимояни кафолатлашга;

Марказларнинг моддий-техника базасини мустаҳкамлашга ва замонавий тиббиёт техникаси ва энг янги технологиялар билан ривожлантиришга;

Марказларнинг мол-мулкидан аниқ мақсадда фойдаланилишини, уларнинг сақланишини таъминлашга;

Конун хужжатларига мувофиқ бухгалтерия ва статистика ҳисоби ва ҳисоботини юритишга мажбур.

Ўзбекистон Республикаси Соғлиқни сақлаш вазирлигининг Республика ОИТСга қарши кураш марказига қушимча равишда қуйидагилар буйича мажбуриятлар юкланади:

Ўзбекистон Республикаси Соғлиқни сақлаш вазирлиги томонидан тасдиқланган клиник стандартларга мувофиқ ОИВ инфекциясига чалинган беморларга юқор малакали ихтисослаштирилган даволаш – профилактика ва стационар ёрдам курсатиш, шунингдек Қорақалпоғистон Республикаси Соғлиқни сақлаш вазирлигининг ОИТСга қарши кураш маркази, вилоятлар ва Тошкент шаҳар соғлиқни сақлаш бошқармаларининг ОИТСга қарши кураш марказларига маслаҳат ёрдами ва ташкилий – методик ёрдам курсатиш;

ОИВ инфекцияси масалалари буйича тиббиёт ходимлари ва бошка мутахассисларни қайта тайёрлаш ва уларнинг малакасини ошириш тадбирларини мунтазам ташкил этиш.

IV. Марказларнинг молия-ҳужалик фаолияти

11. Ўзбекистон Республикаси Соғлиқни сақлаш вазирлигининг Республика ОИТСга қарши кураш марказига Ўзбекистон Республикаси Соғлиқни сақлаш вазири томонидан лавозимга тайинланадиган ва лавозимдан озод қилинадиган директор раҳбарлик қилади.

12. Қорақалпоғистон Республикаси Соғлиқни сақлаш вазирлигининг ОИТСга қарши кураш марказига, вилоятлар ва Тошкент шаҳар соғлиқни сақлаш бошқармаларининг ОИТСга қарши кураш марказларига, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан келишилган ҳолда Ўзбекистон республикаси Соғлиқни сақлаш вазири

томонидан лавозимга тайинланадиган ва лавозимдан озод қилинадиган бош врач рахбарлик қилади.

13. Ўзбекистон Республикаси Соғлиқни сақлаш вазирлигининг Республика ОИТСга қарши кураш маркази директорининг Ўзбекистон Республикаси Соғлиқни сақлаш вазирлиги билан келишилган ҳолда Республика маркази директори томонидан лавозимга тайинланадиган ва лавозимдан озод қилинадиган икки нафар уринбосари бўлади.

14. Қорақалпоғистон Республикаси Соғлиқни сақлаш вазирлигининг ОИТСга қарши кураш маркази бош врачининг, вилоятлар ва Тошкент шаҳар соғлиқни сақлаш бошқармаларининг ОИТСга қарши кураш марказлари бош врачларининг Ўзбекистон Республикаси Соғлиқни сақлаш вазирлиги билан келишилган ҳолда тегишли равишда Қорақалпоғистон Республикаси Соғлиқни сақлаш вазирлиги ёки ҳудудий соғлиқни сақлаш бошқармаси томонидан лавозимга тайинланадиган ва лавозимдан озод қилинадиган икки нафар уринбосари бўлади.

15. Ўзбекистон Республикаси Соғлиқни сақлаш вазирлигининг Республика ОИТСга қарши кураш маркази директори ва Қорақалпоғистон Республикаси Соғлиқни сақлаш вазирлигининг ОИТСга қарши кураш маркази бош врач, вилоятлар ва Тошкент шаҳар соғлиқни сақлаш бошқармаларининг ОИТСга қарши кураш марказлари бош врачлари белгиланган тартибда Марказларнинг фаолиятига умумий рахбарлик қиладилар, ишларни ташкил қиладилар, марказлар номидан ишончномасиз иш курадилар, барча ташкилотларда уларнинг манфаатларини ифода қиладилар, белгиланган тартибда Марказларнинг мол-мулкини тасарруф қиладилар, шартномалар, шу жумладан меҳнат шартномалари тузадилар, ишончномалар берадилар, банкларда ҳисоб рақамлари очадилар, молиявий маблағларни тасарруф этиш ҳуқуқидан фойдаланадилар, штатларни тасдиқлайдилар, буйруқлар чиқарадилар ва Марказларнинг фаолияти натижалари юзасидан шахсан жавоб берадилар.

16. Ўзбекистон Республикаси Соғлиқни сақлаш вазирлигининг Республика ОИТСга қарши кураш маркази директори бўлмаган вақтда унинг вазифаларини Ўзбекистон Республикаси Соғлиқни сақлаш вазирлиги билан келишилган ҳолда унинг уринбосарларидан бири бажаради.

17. Қорақалпоғистон Республикаси Соғлиқни сақлаш вазирлигининг ОИТСга қарши кураш маркази, вилоятлар ва Тошкент шаҳар соғлиқни сақлаш бошқармаларининг ОИТСга қарши кураш марказлари бош врачлари бўлмаган вақтда уларнинг вазифаларини тегишли равишда Қорақалпоғистон Республикаси Соғлиқни сақлаш вазирлиги ёки ҳудудий соғлиқни сақлаш бошқармаси билан келишилган ҳолда уларнинг уринбосарларидан бири бажаради.

V. Марказларнинг молия-хужалик фаолияти

18.Марказларнинг молия – хужалик фаолияти конун хужжатларида белгиланган тартибда амалга оширилади.

19.Марказлар фаолият максадларига мувофик, белгиланган тартибда уз мол-мулкига эгалик киладилар, ундан фойдаланадилар ва уни тасарруф этадилар, бунда бюджет маблагларидан ва бюджетдан ташкари маблаглардан самарали фойдаланилишини таъминлайдилар.

Асосий фондлар, шунингдек бошка моддий бойликлар ва молиявий ресурслар Марказларнинг мол-мулкини ташкил этади.

20.Марказлар асбоб – ускуналар ва мол-мулкни конун хужжатларида белгиланган тартибда баланسدан чикариш хукукига эгадирлар.

21.Давлат бюджети маблаглари, бюджетдан ташкари маблаглар ва конун хужжатларида такикланмаган бошка манбалар Марказлар фаолиятини молиялаштириш манбалари хисобланади.

VI. Хисоб ва хисобот.

22.Марказлар конун хужжатларида белгиланган тартибда бухгалтерия хисоби ва хисоботини юритадилар хамда уларни Узбекистон Республикаси Согликни саклаш вазирлигига хам такдим этадилар, хужжатларнинг сакланиши ва келишилган руйхатга мувофик уларнинг давлат томонидан саклашга берилиши учун жавоб берадилар.

23.Марказларнинг молия-хужалик фаолиятини назорат килиш ва текшириш согликни саклаш органлари, солик ва молия органлари, давлат бошка органлари томонидан уларнинг ваколатлари доирасида, шунингдек конун хужжатларида назарда тугилган тартибда аудиторлик ташкилотлари билан тузилган шартномалар асосида аудиторлик ташкилотлари томонидан амалга оширилади.

VII. Яқунловчи коидалар.

24.Марказлар давлат тасарруфидан чикарилмайди ва хусусийлаштирилмайди.

25.Марказларни кайта ташкил этиш ва тугатиш конун хужжатларида белгиланган тартибда амалга оширилади.

Вазирлар Маҳкамасининг
2009 йил 5 январдаги
1-сон қарорига
5-илова

**Ўзбекистон Республикаси Ҳукуматининг
уз кучини йукотган қарорлари руйхати**

1.Ўзбекистон Республикаси Вазирлар Маҳкамасининг «Республика фавқулодда эпидемияга қарши қурашиш комиссиясининг ОИТС/ОИВ (орттирилган иммунитет танқислиги синдроми/ОИВ касаллиги) эпидемияси тарқалишига қарши қурашиш стратегик дастурини мувофиқлаштириш бўйича кичик комиссияси тугрисида» 2003 йил 14 майдаги 214-сон қарори.

2.Вазирлар Маҳкамасининг «Ўзбекистон Республикаси Бош вазирининг уринбосари – Олий ва урта махсус таълим вазири бошчилик қиладиган республика комиссиялари ва кенгашлари таркибларини тасдиқлаш тугрисида» 2004 йил 4 ноябрдаги 519-сон қарорига 8-илова

Вазирлар Махкамасининг
2009 йил 5 январдаги
1-сон қарорига
4-илова

**2009-2011 йилларда Ўзбекистон Республикасида ОИВ инфекцияси тарқалиши
профилактикаси бўйича саъй-ҳаракатлар**

МИЛЛИЙ РЕЖАСИ

т/р	Тадбирлар мазмуни	Бажариш муддати	Масъул бажарувчилар	Амалга ошириш механизми, кутилаётган натижалар
I.ОИВ инфекцияси тарқалишига қарши кураш соҳасида профилактик тадбирларни амалга ошириш				
1	2009-2011 йилларда ОИВ инфекцияси тарқалиши профилактикаси ва олдини олиш тадбирларининг тармок ва ҳудудий режаларини ишлаб чиқиш ва тасдиқлаш	2009 йил январ	Согликни сақлаш вазирлиги, Ички ишлар вазирлиги, Меҳнат ва аҳолини ижтимоий муҳофаза қилиш вазирлиги, Халқ таълими вазирлиги, Олий ва урта махсус таълим вазирлиги, Урта махсус, касб хунар таълими маркази, Мудофаа вазирлиги, Маданият ва спорт ишлари вазирлиги, Қорақолпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Қорақолпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари, вазирликлар ва идораларнинг тегишли қарорлари. Барча даражаларда ОИВ инфекцияси тарқалишига қарши кураш бўйича мақсадга йуналтирилган ишларни таъминлаш.
2	ОИВ/ОИТС тарқалишига қумаклашадиган жамиятга қарши ходисалар (фоҳишабозлик ва гиёҳвандлик)ни тугатишга йуналтирилган чора-тадбирлар	Ишлаб чиқиш - 2009 йил I-чорак, амалга ошириш доимо	Ички ишлар вазирлиги, Бош прокуратура, Соғликни сақлаш вазирлиги, Хотин-қизлар кумитаси, «Маҳалла» жамғармаси, «Қамолот» ёшлар	Қон Республика комиссияси томонидан

	комплексини ишлаб чиқиш ва киритиш.		ижтимоий ҳаракати, Республика миллий гоя ва мафкура илмий-амалий маркази, Республика Маънаят тарғибот маркази, бошка вазирликлар ва идоралар.	
3	Ўзбекистон Республикасида бепул донорлик фаолияти доирасида чоратадбирларни амалга ошириш.	Тасдиқланган тадбирлар муддатларига мувофиқ	Согликни сақлаш вазирлиги, «Кон инсон хизматида» жамгармаси, «Камолот» ёшлар ижтимоий ҳаракати, Олий ва урта махсус таълим вазирлиги, Урта махсус, касб хунар таълими маркази, УзА, Миллий телерадиокомпания, Кизил Ярим ой жамияти	Кон хавфсизлигини ва кон қисмларининг зарур захирасини таъминлаш.
4	Тиббиёт муассасаларида кон ва унинг қисмларини сақлаш, қайта ишлаш, транспортда ташиш ва фойдаланиш бўйича йуриқномани ишлаб чиқиш ва тасдиқлаш	Буйруқни тасдиқлаш - 2009 йил I-чорак, амалга ошириш доимо	Согликни сақлаш вазирлиги, Давлат божхона қумитаси	Согликни сақлаш вазирлигининг буйруғи. Тиббиёт муассасаларида коннинг хавфсизлигини таъминлаш, кон ва унинг қисмларини сақлаш, қайта ишлаш, транспортда ташиш ва фойдаланиш устидан назоратни кучайтириш.
5	Хомиладор аёлларда ОИВ инфекциясини уз вақтида аниқлаш ва ОИВ инфекциясининг онадан болага ўтиши профилактикаси бўйича чоратадбирлар комплексини ишлаб чиқиш ва амалга ошириш.	Ишлаб чиқиш – 2009 йил I-чорак, амалга ошириш доимо	Согликни сақлаш вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Согликни сақлаш вазирлигининг буйруғи, ОИВ инфекциясига чалинган болалар тугилишининг олдини олиш.

6	ОИВ билан оғриган оналардан тугилган, диспансер кузатуви остидаги 1 ёшгача болаларни сут аралашмаси билан таъминлаш тизимини ташкил этишга доир таклифлар ишлаб чиқиш.	2009 йил I-ярим йиллик	Согликни сақлаш вазирлиги, Меҳнат ва аҳолини ижтимоий муҳофаза қилиш вазирлиги, Молия вазирлиги	ОИВ инфекциясининг онадан болага утишининг олдини олишни таъминлаш.
7	2009 йилда ва кейинги йилларда Согликни сақлаш вазирлиги ва Фанлар академиясининг давлат илмий-техник дастурлари ва инновация ишлари дастурлари режасига қуйидагиларга йуналтирилган лойиҳаларни қиритиш: - ОИТС ривожланиши ва тарқалишига қумаклашадиган сабабларни аниқлаш бўйича тадқиқотлар утқазиш; -ОИВ/ОИТС диагностикаси ва уни даволашнинг Ўзбекистонда қулланилаётган методлари самарадорлигини таҳлил қилиш ва баҳолаш; - ОИВ/ОИТСни даволаш учун антиретровирус терапияни қуллашнинг хорижий тажрибасини урганиш ва таҳлил қилиш.	2009 йил январь, тадқиқотлар утқазиш – тасдиқланган режага мувофиқ	Согликни сақлаш вазирлиги, Фанлар академияси, Фан ва технологияларни ривожлантиришни мувофиқлаштириш қумитаси	Ўзбекистон Республикаси Вазирлар Маҳкамаси ҳузуридаги Фан ва технологияларни ривожлантириш қумитасига тақдим этиш учун давлат илмий-техник дастурлари ва инновация ишлари дастурлари режаси. ОИВ инфекцияси ва у билан боғлиқ касалликлар профилактикаси ва уларни даволаш бўйича илмий тадқиқотларни ривожлантириш. Тавсиялар билан бирга ОИВ инфекцияси диагностикаси ва уни даволашнинг қулланилаётган методлари тугрисида таҳлилий маълумотнома.
II. ОИТСга қарши қураш марказлари ва даволаш-профилактика муассасаларининг моддий-техника базасини мустаҳкамлаш.				
8	Ўзбекистон Республикаси Согликни сақлаш вазирлигининг Республика	2009 йил IV-чорак	Согликни сақлаш вазирлиги	Согликни сақлаш вазирлигининг буйруғи.

	ОИТСга қарши кураш маркази хузурида замонавий асбоб-ускуналар билан жихозланган клиника ташкил этиш.			ОИВ/ОИТСни даволаш буйича ихтисослаштирилган тиббий ёрдам курсатиш. ОИВ/ОИТСга қарши кураш соҳасида ишлайдиган мутахассисларни тайёрлаш ва уларнинг малакасини ошириш учун клиник база ташкил этиш
9	Республика ва минтакавий ОИТСга Қарши кураш марказларида, идоравий лабораторияларда таъмирлаш реконструкция ишларини амалга ошириш, уларни замонавий тиббиёт ва диагностика асбоб-ускуналари билан жихозлаш.	2009-2011 йиллар мобайнида, алоҳида жадвал буйича	Согликни сақлаш вазирлиги, Ички ишлар вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Таъмирлаш – реконструкция ишларини амалга ошириш ва жихозлаш жадвали. Муассасаларнинг моддий – техника базасини мустаҳкамлаш.
10	Мамлакатимиз корхоналари негизида ОИТСни даволаш учун зарур бўлган замонавий тиббиёт асбоб-ускуналари, тиббий мақсаддаги буюмлар ҳамда дори-дармонлар ишлаб чиқаришни ташкил этишга доир таклифларни ишлаб чиқиш ва киритиш.	2009 йил I-ярим йиллик	«Узфармсаноат» давлат концерни, Фанлар академияси, Соғликни сақлаш вазирлиги	Таклифлар туркуми. Мамлакатимизда дори-дармонлар ва тиббий буюмлар ишлаб чиқаришни ташкил этиш.
III. ОИВ инфекцияси масалалари буйича мутахассисларни доимо ва тизимли тайёрлашни ва уларни малакасини оширишни таъминлаш.				
11	Республика ва минтакавий ОИТСга қарши кураш марказлари раҳбар тиббиёт ходимларини эгаллаб турган лавозимига мувофиқлиги юзасидан аттестациядан утқизиш.	2009 йил I-чорак, кейинчалик – ҳар йили	Соғликни сақлаш вазирлиги	Аттестация комиссияси таркиби тасдиқланган ва таркибга манфаатдор вазирликлар ва идораларнинг вакиллари киритилган ҳолда Соғликни сақлаш

				вазирлигининг буйруги. Рахбарлик лавозимларига юкори малакали мутахассисларни танлашни такомиллаштириш.
12	Республика ва минтакавий ОИТСга карши кураш марказлари кадрлар билан таъминланганлигининг холатини урганиш ҳамда уларни хар томонлама тайёрланган юкори малакали мутахассислар билан таъминлаш ишларини ташкил этиш	Урганиш – 2009 йил Январь, февраль, таъминлаш жадвалга мувофик йил давомида	Согликни саклаш вазирлиги	Урганиш ва кадрлар билан таъминлаш жадвали. Кадрлар билан таъминлаш буйича тахлилий материаллар. Республика ва минтакавий ОИТСга карши кураш марказларини юкори малакали мутахассислар билан таъминлаш .
13	Тошкент врачлар малакасини ошириш институти ва республика тиббиёт олий укув юртларининг врачлар малакасини ошириш факультетлари базасида ОИВ/ОИТС профилактикаси ва даволаш буйича махсус курслар ташкил этиш.	Ишлаб чикиш – 2009 йил I-чорак, амалга ошириш – укув режасига мувофик хар йили	Согликни саклаш вазирлиги	Мутахассислар малакасини ошириш режаси. Тиббиёт ходимлар малакасини оширишни таъминлаш.
14	ОИВ инфекцияси юкиши хавфи юкори булган гурухлар билан ишлайдиган мутахасислар учун ОИВ инфекцияси, гиёхвандлик ва жинсий алока воситасида юкадиган инфекциялар профилактикаси масалалари буйича семинарлар ташкил этиш.	Доимо, семинарлар утказиш режасига мувофик	Согликни саклаш вазирлиги, Коракалпогистон Республикаси Вазирлар Кенгаши, вилоятлар ва Тошкент шаҳар хокимликлари, Ички ишлар вазирликлари, Мехнат ва аҳолини ижтимоий муҳофаза қилиш вазирлиги	Мутахассислар малакасини ошириш режаси. Хавф юкори булган гурухлар билан ишлайлиган мутахассисларнинг билим даражасини ошириш.

15	Тиббиёт коллежлар ва олий укув юртларининг клиник фанлари укув дастурларига ОИВ инфекцияси профилактикаси ва уни даволаш буйича мавзули блокни киритиш	Ишлаб чиқиш – 2009 йил I-чорак, амалга ошириш – укув режасига мувофиқ ҳар йили	Урта махсус, касб-хунар таълими маркази, Соғлиқни сақлаш вазирлиги	Укув режалари. ОИВ инфекцияси профилактикаси ва уни даволаш тугрисидаги билимларга эга бўлган тиббиёт мутахассисларини тайёрлашни таъминлаш.
IV. ОИВ инфекцияси профилактикаси масалалари буйича тизимли ахборот – тушунтириш ишларини ташкил этиш.				
16	ОИВ инфекцияси тарқалиши билан боғлиқ муаммоларни урганиш буйича социологик тадқиқотлар утқазиш. Аниқ тавсиялар ишлаб чиқиш.	Мунтазам равишда, режага мувофиқ	Соғлиқни сақлаш вазирлиги, «Ижтимоий фикр» маркази, Стратегик ва минтақалараро тадқиқот институти	Социологик тадқиқотлар утқазиш жадвали. Тавсиялар билан биргаликда социологик тадқиқотлар натижалари буйича тахлилий материаллар.
17	Куйидагиларни ишлаб чиқиш ва куриб чиқиш учун киритиш: -юкумли касалликлар профилактикаси шахсий гигиена масалалари буйича укув кулланмалари, укув методик, таълим материаллари укув фильмлари тайёрлаш буйича таклифлар - Ўзбекистон халқининг менталитети, маънавий ахлоқий негизлар ва анъанавий кадриятларни ҳисобга оладиган аҳоли уртасида ОИВ/ОИТС профилактикаси масалалари буйича ахборот тушунтириш ишлари олиб бориш буйича методик тавсиялар; -умумтаълим мактаблари тиббий ихтисосликдан бошқа олий ва урта	Ишлаб чиқиш -2009 йил I ярим йиллик, амалга ошириш- тасдиқланган тадбирлар режасига мувофиқ	Соғлиқни Сақлаш Вазирлиги, Халқ таълими вазирлиги, Олий ва урта махсус таълим вазирлиги, Урта махсус, касб-хунар таълими маркази, укув юртларига эга бўлган вазирликлар ва идоралар, Республика миллий гоё ва мафкура илмий-амалий маркази, Республика Маънавият тарғибот маркази, Хотин-қизлар кумитаси, «Маҳалла» жамғармаси, «Қамолот» ёшлар ижтимоий ҳаракати, Миллий телекомпания	Тавсиялар, укув кулланмалари, укув фильмлари, ахборот таълим материаллари. Республика миллий гоё ва мафкура илмий –амалий марказнинг тавсияларига мувофиқ укув-методик, ахборот-таълим материаллари ва кулланмалар мазмунини такомиллаштириш ва сифатини ошириш. Ёшларнинг соғлом турмуш тарзини шакллантириш ва ОИВ инфекцияси

	махсус укув юртлирининг укув дастурларига юкумли касалликлар профилактикаси шахсий гигиена масалалари буйича соатлар жорий этиш буйича таклифлар.			профилактикаси масалалари буйича билимлар даражасини ошириш.
18	Оммавий ахборот воситаларида маънавий бой, жисмоний соғлом ва уйгун ёшларни камол топтиришга йуналтирилган ОИТС профилактикаси масалалари буйича тушунтириш ишларини ташкил этиш	Доимо тасдиқланган ёритиш режасига мувофиқ	Миллий телерадиокомпания, УзА, Соғликни Саклаш вазирлиги «Камолот» ёшлар ижтимоий харакати, «Махалла» жамғармаси, Хотинкизлар кумитаси	Ёритиш режаси, Аҳолининг тиббий саводхонлигини ошириш.
V.ОИВ инфекцияси тарқалишига қарши кураш соҳасидаги фаолиятни амалга ошираётган халқаро ва хорижий ташкилотлар билан мустаҳкам узаро ҳамкорликни ва ишларни мувофиқлаштиришни таъминлаш.				
19	ОИВ/ОИТС профилактикаси диагностикаси ва уни даволаш масалалари буйича илғор тажрибани урнатиш учун мутахасисларнинг чет элга сафарларни ташкил этиш.	Мунтазам равишда, ражага мувофиқ	Соғликни Саклаш вазирлиги, Ташқи ишлар вазирлиги.	Мутахасислар малакасини ошириш жадвали. Тажриба айрибошлаш мутахасислар малакасини ошириш.

